

常郡八邑艺文志

常郡八邑藝文志卷十二之下

武進莊翊昆新渠氏校補

東里盧文昭纂定

陽湖莊毓鋆甫氏重校

七言律詩

毘陵道中

明陶安

孤帆斜日領舟行
遠道無山爲送迎
沙店疎籬堪問酒
烟村高樹不聞鶯
一灣野水鷗波靜
到處蘋香客思清
莫歎飛蓬類蹤跡
成名昔在書生

游張公洞

吳雲

天開地闢神仙窟
壯觀荆溪第一峯
紫府移來知上界
青驪去後

見道蹤柯消石室
基聲歇花落巖扉
瘴氣濃我欲步虛窮
睇眴雲深直恐伏虬龍

哀李士龍將軍詞

張宣

盤槩烏龍敵將擒
解鞍白馬矢痕侵
江山漫灑新亭淚
天地空懸卽墨心
仰藥自甘酬萬死
砍頭誰許購千金
錦沙泉上新封樹
落日蕭蕭起暮雲

赤山書事寄謝龜巢

楊基

曾向溪南看藝麻
竹扛兜子一肩斜
秧苗尙短仍含穀
荷葉纔高已上花
蠶屋柘煙朝焙繭
鵲爐沈火晝薰茶
而今風雨成拋絕
臥聽西園兩部蛙

秋夜與浦舍人敘別

林鴻

南宮飲散動經年此會羈魂各黯然
簪漢故人誰更在江潭逐客
自堪憐疎燈細雨開秋宴落葉驚風攪夜眠
歸去胥陵成遠別好
憑陽鴈望南天

避亂後歸徙居橫山四首

謝應芳

爲愛橫山山水清山前築室小溪縈
老夫枕石看雲臥兒輩求田
候雨耕古井寒泉龍有宅孤村夜月犬無聲
廿年雨眼風塵暗猶
喜如今見太平

三農閭伍共烟霞數口清貧第一家
瓦釜煮糜燒榸葉布裘添絮
著蘆花交游總覺鄉情好吟眺偏宜野景賒
不見羽人王八百浪

傳仙井委丹砂

清夢尋幽繞薜蘿白頭今日此婆娑
窗寒風露秋容淨簾捲林霏
爽氣多浮世百年生處樂青山幾度醉時歌
莫愁猛獸藏林樾郡有劉昆必渡河

山北山南地盡耕人家祇欠讀書聲
丹楓似我衰顏醉黃鶴如仙瘦骨清
吳越喜逢連歲稔朱陳多續舊姻盟
客來莫厭頻畱宿新種梅花好月明

閱馬蹟山記寄西青山人

謝應芳

西青山人作山記搜剔幽隱山靈愁蹟緣神馬
自秦漢祠追后稷經庚周尋常一水五湖老七十二峯
千古秋分明畫圖在中泚美

人何處心悠悠

和潤天澤住持

謝應芳

橫林之北橫山西孤村流水古招提青苔一徑童不掃白雲半閒人共棲松枝甘露落塵尾桂子香風吹麝臍我來欲問點頭石道價孰與生公齊

寄倪元鎮

謝應芳

詩中有畫畫有詩輞川先生伯仲之襟懷不著一事惱姓名惟恐多人知竹籜裁冠晨沐髮蓮蓬洗硯晚臨池數年同飲淞江水明月清風有所思

次韻董明府兼贈陳縣丞尹主簿

謝應芳

卷二十一
三
綠莎聽事灑清風四野遺黎集澤鴻佳政總堪書國史丹心曾不
愧天翁橫琴坐對中秋月援筆詞傾百步洪係佐粹然聯白璧有
時來我讓西東

董明府除夕惠炭

謝應芳

范叔寒多正不禁烏薪意重比烏金賒來脫粟忙炊飯畱得焦桐
好製琴環堵一龕春盎盎麗譙三鼓夜沈沈硯池冰釋龍香暖寫
我朝來抱膝吟

寄江陰夏翁

韓奕

殘山賸水舊吳宮幾度相期杖履同夜雨新晴桃葉渡春寒已過
杏花風人生暮景方多暇春事濃時一半空解后逢人因寄信酒

船何日過湖東

中秋寓無錫懷朱逢吉

莫士安

去年此夕客同遊
今度西風我獨留
萬斛天香千斛酒
十分月色五分秋
膠山雲嶼梁鴻宅
笠澤烟波范蠡舟
惟有故園長在目
望中綠樹幾汀洲

西城晚眺

浦源

官柳猶遮舊女牆
角聲孤起送斜陽
英雄百戰成寥落
吳楚平分自渺茫
寒鴈帶愁離塞遠
暮江流恨入雲長
古今天地誰非客
何用登臨獨感傷

送禮科給事中薛兼歸江陰

盧熊

九重天上聖恩優
兩袖天香下鳳樓
委質難忘辭斧鉞
陳言應不
畏王侯立功應擬圖
麟閣抱病還思隱釣
舟歸去不因鱸正美
江湖猶有廟廊憂

送陸源祥還江陰

袁華

一年爲客崑邱下
把酒臨風語笑同
南越稱臣歸陸賈
東吳避地識梁鴻
異鄉第宅蒿萊外
新國河山雨露中
錦服畫還春正好
河豚魚上杏花紅

竹茶爐

王達

製作精深亦可觀
日供高士試龍團
輕分淇雨苔猶綠
細剪湘雲粉未乾
紫筍滿甌吟骨健
清風一榻鬢絲寒
吸來坐盡梅花月
正

是淩秋第幾竿

前題

王紱

僧館高閒事事幽
竹編茶具瀹清流
氣蒸陽羨三春雨
聲帶湘江兩岸秋
玉臼夜敲花雪冷
紫甌晴引碧雲稠
禪翁託此重開社
若箇知心是趙州

華藏寺望湖亭

錢仲益

窈窕招提入翠微
碧波千頃照巖扉
白頭僧向斜陽立
黃帽人衝細雨歸
芳樹遠從湖外見
殘雲分繞鴈邊飛
分明一片家山景
却憶松間筍蕨肥

李相書堂

周忱

丞相當年未第時讀書曾向此栖遲水邊行徑空遺蹟竹外荒臺
有古基老憶家山詩尙在夢嘗丹柰事尤奇老僧知我懷賢意相
引憑高慰所思

閩江伍相祠

瞿佑

一過荒祠淚滿襟英雄自古少知音江邊敵國方嘗膽臺上佳人
正捧心入郢共知仇已雪臨吳誰識恨尤深素車白馬終何益不
及陶朱像鑄金

遊保寧寺二首

王與

上方何處足幽尋十里橫林訪道林春去四山嘯鳥歇雨晴一徑
落花深推敞未盡吟邊興游覽偏傷物外心明日攜舟入城去自

雲回首認遙岑

一宿招提暫艤船
可人幽思不成眠
鳳棲有侶窗間竹
琴奏無絃
澗底泉
世事盡歸蕉鹿夢
劫灰空散野狐禪
老師未許輕相別
飛錫何年到日邊

重遊祥符寺

聶大年

彷彿南屏十里松
蒼苔白石認行蹤
湖光浴日金千頃
山色凝煙翠萬重
猿下飲泉還獻果
僧來乞食自鳴鐘
山花也識曾遊客
背倚寒巖笑病容

重遊惠山寺

聶大年

汲得春泉不滿瓢
老僧相引說前朝
殘碑久許游人揭
古殿新遭

劫火燒白塔荒墳寒食飯青山流水夕陽橋空餘陸羽祠前月永
夜松房照寂寥

登官長峯憩妙湛菴

聶大年

湖上諸峯此最高夫差陳蹟但空濠人從斷港牽舟入僧向懸崖
置刹半塵世百年真幻泡具區千頃足風濤丹青半幅能分我欲
借并州快剪刀

澄江草堂夏景昭索賦

聶大年

愛汝澄江草堂靜旁人錯認浣花莊門前小徑通花塢柳外春陰
壓釣航醉眼看山鳥帽側行廚臨水白魚長鳬鷗鵲鵲靜相對碧
樹無風也自涼

送空海掃塔還夫椒

聶大年

寺門孤塔鎖寒煙回首家山二十年
定起怕聽三竺雨思歸獨上太湖船
鶴隨錫去雲迎海龍獻珠來月在天
還憶舊時行道處青松多偃竹房前

李相書堂

聶大年

水邊臺榭已荒涼此日登臨倍感傷
遺事尙傳唐宰相斷碑還載宋文章
林塘地僻禽魚樂澗谷泉甘草樹香
閒與高僧訪陳迹夕陽秋葉滿迴廊

黃漬舊居有感

沈暉

黃漬移居二百年門前喬木蔚參天
春風楊柳湖邊路曉雨桑麻

屋後田撫鵲非關鳩性拙巢松休怪鶴情偏傳家不用千金積架
上遺書有一編

無錫殷氏婢守節秦武昌廷詔有傳識之以詩

李東陽

婦家名節不從夫殷氏分明一女奴少有清風辭外侮老將遺業
付諸孤文章郡守能爲傳忠義鄉人定作模試問衣冠塗炭地不
知曾汗此顏無無錫有忠義鄉

送陸貢士筮選常州

原自應子之弟也

李東陽

霜蹕厯塊壘須驚可信青雲路未平楊意幾時能薦士子由剛道
不如兒花迷苑外愁中望草入江南夢裏生因憶晉陵親舊地送

君非是道傍情

陸貢士筌以伯兄治齋學士校藝春闈避不入試將歸常州
詩以送之

李東陽

杏園花夢晚相迷又向東風駐馬蹄
冷外有金元自躍竹邊多鳳
且分棲春光逐路生新草
江水隨潮入舊溪得失漫須看日
曉天
留名姓榜前題

題天椒山

秦夔

千尺鬼鬼俯洞庭
祖龍行幸此曾經
馬蹄猶記亡秦迹
崖石誰鐫
上古銘
鼇背躍波晴
隱隱芙蓉積翠曉
冥冥樓船此日登
瀛客分
載西峯一半青

復竹茶爐和韻

秦夔

烹茶只合伴枯禪
誤落人間五十年
華屋夢醒塵冉冉
湘江雲冷月娟娟
歸來自壁元無玷
老去青山最有緣
從此遠公須愛惜
願同衣鉢永相傳

贈夏主事

程敏政

迎養紛馳水部書
行庖仍載武昌魚
推封指日來光寵
過客長時問起居
自首愛看陶母傳
春風頻試老萊裾
後園多種忘憂草
歲歲看花奉板輿

送白太傅致仕歸毘陵

吳寬

玉敕新承墨未乾
都門行色萬人看
法曹屢奏三年績
恩旨重加

一品官勝地扁舟行樂健故人尊酒過從歡不須更入看山去自有西園八節灘

送白主事輔之還里

吳寬

採菱江上憶曾經百里人傳聚德星報政三年還過闕聞詩一月正趨庭馬家羣從眉多白馬府中丞賓尚青他日同朝橋梓並應煩聖主賜雲屏

慨齊爲曹御史賦二首

吳寬

澆風誰信可還淳物理應知備一身古道千鈞擔在我聖皇三代治由人義如有德行須勇斷以崇功見必真世事慨然成浩歎要從張子問端因

柱史齋居非浪設平生有志慕前修吾人無限當爲事賢者須懷
天下憂王佐有才終禮樂先民如作可商周不隨末俗矜標榜免
作風花月露羞

送胡文博令武進

楊一清

墨綬銅章拜命行風流文采照人清極知今日郎官選不忝當時
進士名芳草綠波千里別孤燈夜雨十年情江南亦是并州地得
告還來訪舊盟

宜興張氏雙桂堂

王鏊

曾聞天上桂華孤不似君家有兩株千里燕吳還接葉一門金玉
本連附陰功信有栽培力學海甯忘灌溉勗從此邠林誰復羨荆

溪金紫有先紆

沈亞卿時暘約游張公洞途中風雨大作舟人云不如先往
善權爲便口占一詩寄亞卿

王鏊

孤村徹夜雨浪浪思入荆溪轉渺茫湖汊無緣仍返棹善權有路
且鳴榔特因赴約翻成爽豈謂尋間竟得忙寄語休文莫相訝好
風晴日會須償

罨畫溪

王鏊

兩岸青山隨畫船清溪十里中洞沿侍郎橋畔柳窠地任昉臺邊
花滿川南國勝境有如此東坡卜居豈徒然誰云罨畫畫不得恐
有仙源莫浪傳

善權寺

王 鏊

茲山信有神靈護棟宇傳聞自太和雷篆天書猶可辨星壇月館
遞相過顛崖檜偃蒼龍蛻壞藏經翻白馬馱應笑重來王相國不
將玉帶繫山阿

邵二泉點易亭右得泉有詩次其韻

王 鏊

酷憐螭吻瀉寒泉百里曾煩乞賸涓繞舍雙魚驚自躍調符單馬
罷郵傳不愁海若卑秋水會見宣尼歎逝川大易無言原有象定
應天一在亭前

喜得精舍地有作用杜

邵 寶

寺門東北徑悠然小洞陰多鹿慣眠出地泉聲無處礙倚天松骨

有蘿牽病餘几杖三年後夢裏堂壇五老邊
逆社在鄰吾不入門人今助買山錢

二泉書院

邵寶

書策重繙架上塵兩年多負病中春
手將筆試初知健心與盤銘幾見新
方得養親真愛日未成報國敢輕身
冉涇門巷深如許擊節高歌不和人

憶東林精舍寄華補庵

邵寶

東林寺裏舊書堂三十年來野草荒
百轉未忘初鳥韻一枝猶賸晚柑香
山懷龍阜神俱遠水問梅村脈正長
寄語雲生爲磨石客中新記已成章

燦山明陽觀

邵寶

行過青山復燦山，幾層雲磴幾松關。
中巖泉落龍猶臥上界壇，高鶴未還。
十月風清雙籥遠，五湖波闊一舟閒。
憑君看我題名處，應

在丹崖萬仞間。

同吳翁謁蜀山蘇祠

費宏

泊舟暫倚釣魚臺，沙畔羣鷗自往來。
楚橘更憑坡老頌，蜀橙誰乞杜陵栽。
南山正對籬邊菊，北海甯虛坐上杯。
客子光陰詩興好，懷還爲此翁閒。

邀費鵲湖過山莊避暑

吳儼

小洛橋西碧澗長，濯纓不必問滄浪。
五湖地闊居偏靜，六月山深

夜自涼池面雨浮菱葉亂門前風細稻花香高旌暫住茅簷下音
信何愁滯異鄉

野翁莊

沈周

野翁未見見新莊石子迴階引石梁高樹隔牆烟寺近亂雲拖雨
晚山長自春載酒應無處每日題詩成幾章絕與輞川風致似我
爲裴廸亦何妨

題繆苔石遺稿

沈周

苔石新編僅拾遺絕勝楓落一窮辭我從南渡識此派誰謂澄江
真少詩藥物生涯老堪倚梅花影子自相知於今地下尋潘閔倡
雨酬風雨得宜

吳塘

史鑑

一水遙遙與海通
舟行渾似入虛空
三江共接朝宗勢
萬古長懷底定功
錫麓人烟帆影外
洞庭山色浪花中
蓬瀛有客頻來往
欲駕雲濤趁便風

香山寺

莫止

香界追攀十載曾
薜蘿深處翠微層
齊梁古蹟談雙樹
水月玄心鏡一燈
山鳥弄晴春冉冉
閣雲凝碧畫冥冥
投簪莫訝歸無侶
猶有逢迎白社僧

處江亭詩

薛章憲

徙倚高亭送目遙
楚氛淮祲已全消
馬趨金埒騰江潁
鯨蹙銀川

上海潮聊踞龜趺餐沆瀣似騎鵬背控扶搖舉頭尺五天應近一
朵紅雲拂赤霄

經苔石先生故居

薛章憲

都院百年餘故宅青苔白石謝紛華陟釐尙爾畱詩草乎尹猶疑
帶墨花豈止祇孫誇上世端令小子詫東家祇緣舊蹟皆文字科
斗縈波鳥篆沙

大觀亭

錢福

水勢兼天山作隄渚雲煙樹望中齊直從巴峽纔歸壑許大乾坤
此結躋肖次決開三極朗目光搖盪四垂低欲騎日月窮無外誰
借先生萬丈梯

春日周陳王氏園亭

杭淮

楊柳微風渡小橋
波涵人影半虛搖
水深不在江湖大
地僻已知城市遙
魚戲落花吹細沫
竹含疏靄上青霄
主人會有幽居興
命駕時來不用招

王東崖新理園池畱飲亭上得開字時戊子臘月

杭淮

逶迤池上徑新開
喜值春風七日迴
竹滴露梢寒近席
波消雪色上浮杯
作亭擬養千年鶴
眺遠還登百尺臺
從此知君藏不出
相尋待我拂衣來

癸巳暮秋復至東園亭惜不見主悵然有作用前韻

杭淮

三徑幽紆只自閑杖藜徐逐小池迴參差舊榭餘霜菊悵望無情
對酒杯竹裏有亭還問鶴天空落日重登臺不堪吟罷一回首唯
見白雲東北來

奉贈西青錢先生

杭淮

凌駕洪濤勞遠訪攜將秋色過江城青鞵布鞵無塵土碧水丹山
自性情幾共躡雲尋壑去醉看騎馬覺身輕簪纓忝竊今頭白常
使橫經憶後生

蓼莪菴

杭淮

五湖春色際天來沙鳥風帆遞往回笑日野花幽近竹入雲風磴

清君入邑志
卷十二
四
冷侵苔棧遲白首惟疎放報答青春有酒杯好事山僧老不倦晚
猶攜客上高臺

李相書堂

盛 頔

青山寂歷草淒其一度登臨一愴思浪說夢蛇千載事空畱弔古
五陵詩天荒地老臺猶在花落春殘鳥自悲燈火禪林風雨夜依
然丞相讀書時

秋日寓王氏山莊

徐 問

橫山高枕卽吾廬病骨窮秋氣始舒天上久逃賢者路塵中今遂
野人居黃柑翠竹凝幽思碧石清川映遠墟物理參差予亦樂萬
年生計欲何如

虛菴陳郡公建道南書院

徐問

書堂新建古城陰，巨榜高題屬意深。
吾道北南還一脈，斯人今古本同心。
妙從活水生時得，樂向光風起處尋。
教思無窮歸有道，朱弦休歎少知音。

留瓢堂

陸簡

靈瓢漉落可通神，竅洩仙機造物嗔。
照膽不須金作鏡，授書誰悟石非人。
藏詩江上空流水，美酒壺頭亦市塵。
珍重千金勿輕授，種留東谷有餘春。

歲暮

殷雲霄

吏退烏嗁縣事稀，南山坐對雲依依。
冰生幽壑羣龍睡，雪灑空江

獨鶴飛芳草向人已寂寞梅花何意猶芳非故園松菊爲誰好歲暮山中人未歸

臥病縣齋

殷雲霄

驅役猶堪松竹林病來偏動故園心鳥啼短榻客初起木暗空齋山欲陰未鍊丹砂慚墨綬聊歌白雪寄瑤琴東風走馬長安道芳草于今深又深

江陰郭上舍見訪夜宴賦贈二首

倪宗正

菊正開時憶故人故人相見小桃春燈前顏色喜無恙酒後情懷狂見真千載鴈魚勞作使三吳風月喜爲鄰剡溪賸有連朝興一路登臨

酌酒江濱午後潮故人爲我駐蘭橈
棊枰對壘心應遠詩卷臨歧興轉饒
黃菊畱連成雅會丹楓冷豔映清標
漁歌晚浦成村泊新月驚看挂碧霄

寄江陰劉毅齋光祿

倪宗正

翠竹黃花擁碧岑堂開畫錦大江陰
蓬萊鶴報神仙近閭闔鸞封眷注深
霄漢羽儀鄉國望江湖寤寐古人心
長思沙上桂香酒四十年前舊賞音

毘陵太平寺逢胡長嘯

倪宗正

老景春光日日濃布袍芒屨任疎慵
綦無敵手韓擒虎交有知心陸士龍
久住市門真隱逸相逢竹院太從容
新詩贈爾無他語嘯

倚中庭十丈松

寄毘陵錢別駕朝用

倪宗正

古云一飯不能忘況是畱連館穀長碁局對君頻翦燭詩囊到處
復攜觴音書縹緲稀鴻鴈舞席重重列鳳凰風雨一番湖海夢脫
冠歌笑故人傍

送海岳陳翁還常州

何景明

海岳先生眉髮青北遊歸興渺滄溟雲霄萬里看辰極河漢孤槎
送客星裊裊菊花南國宴萋萋蕙草北山亭水雲曲奏流金石風
雨蛟龍夜夜聽

送顧隱君還常州君來視其姪中書子進士 何景明

北庭綵袖日邊聞
南甸青山海上分
阮氏竹林推叔父
謝家玉樹有郎君
河關曉發隨燕鴈
江路秋帆拂楚雲
歸向惠泉攜舊客
菊筵開酒送清芬

寄題無錫呂仲仁碧山居

邊貢

梁溪渺渺錫山蒼
南去天涯客路長
霜下海門潮漸落
雨深江甸橘初黃
城池舊識延陵郡
風俗猶傳至德鄉
却見吏曹頻寄語
一年秋色負重陽

聞江陰解圍喜而獨酌爛醉

孫一元

好音慰我靜風塵
漫喜呼兒笑語新
夏武有詩歌盛代
江山無恙著高人
短蓑月下形應古
白酒牀頭計未貧
安得盡聞烽火息

瓢長醉太平春

夏日集胡光祿會芳園和鷺洲郡守韻

周金

竹粉輕黃脫翠苞
雨餘風日湛亭皋
龍深東閣遺蹤遠
道勝西山爽氣高
江樹淨排新畫戟
林花嬌奪舊宮袍
美人爲政多清暇
漫倒芳樽一解勞

和劉祠部平嵩登道南書院望閩樓韻

周金

楚雲吳樹擁層樓
望極澄江匹練浮
吾道由來開後學
斯文今始障狂流
南宮信得清時趣
北闕真懸聖主憂
王粲荆南獨畱滯
可無詞賦浣離愁

瀟湘

陸範

吳山窮處碧漫漫
天人玻璃萬頃寒
隄上有田居隱易
門前無路問津難
臥留風月詩千首
歸帶煙波雨一竿
未許玉人真隱者
金緋猶自憶長安

留瓠堂

唐貴

留瓠仙人事若何
天教英傑起民疴
決疑方脈傳倉意
洗穢神功屬華陀
五百年來心鏡在
二千石後子孫多
高堂華扁勞瞻拜
幾度春風種杏過

送憚正甫韻歸毘陵

唐貴

枕簟驚秋客夢涼
便攜書劍買歸航
青袍尙帶風塵色
丹旰曾瞻日月光
天上故人勞遠別
里中嘉節近重陽
因君一動江南思
搔

首都門送鴈行

遊神墩寺

唐 珣

新雨郊原草木柔
葛巾藜杖此尋幽
藤垂小徑蟬聲滿
苔合荒庭鳥蹟留
隱几緇經聊習靜
憑高望遠一消憂
相逢更是煙霞客
攜手同爲汗漫遊

朱子學移居和韻

唐 珣

廿載辛勤此卜居
豈云維鵜巧相如
連雲肯羨平康里
抱膝何慙諸葛廬
戶牖洞開疑見道
藩籬剖破欲忘予
晝長心靜成真樂
不是鳴琴日讀書

和第一之題忠義祠

毛 憲

宋祚雖傾氣象新諸賢忠憤烈於神一堂香火光前節萬古綱常
起後人血帶啼鵑猶夜月城傾野藿自陽春英雄已去清風在披
拂難忘此郡民

和葉古心謁謝龜巢墓

毛憲

諸君兩謁龜巢墓愧我疎慵不出城碧草侵階祠已古白雲封石
雨初晴聲名萬古遺文在英爽孤標斷碣明此日圖新重展拜强
扶衰病亦隨行

謁楊龜山祠

毛憲

拜謁令人仰斗山延平無復道南還乾坤浩蕩名難泯廟宇荒涼
地自開道學千秋流海外書香一脈在人間當時立雪盈三尺心

與程門氣化關

題祥符寺松

夏言

百盤雲氣入千峯飛蓋行穿夾道松長晝風雷驚虎豹半空鱗甲
舞蛟龍湖濤夜合秋聲壯山雨春添黛色濃欲藉丹青圖直幹恨
無草偃得相從

秋日遊善卷寺

吳仲

乍入名山步步幽振衣獨上最高邱煙籠翠靄千峯暮松捲蒼濤
萬壑秋履破蘚痕雲外蹟棹穿波影月中遊年深寺圯人來少祇
見街芝鹿幾頭

一島

陳府志
作二島

文徵明

雲白江清水吹霞夕陽闌檻見天涯亂帆西面浮空下蒼鳥東來
抱郭斜萬頃留中雲夢澤一痕掌上海安沙扁舟便擬尋真去春
淺桃源未有花

種竹縣齋

韋商臣

六月空江雨歇時仙家分竹記南枝鳳翥長技非吾願霜雪高標
爲爾期寒碧兩階添野色炎蒸三伏動涼颺他時主者知誰是好
詠當年山谷詩

續碧山吟社次韻

華察

曾聞高蹈碧山南試叩山僧事尙諳雪積林扉寒不掃月明空水
夜相涵吟壇久廢名猶在策杖重來路可探爲看當年誦經處唯

餘松影護禪龕

寄唐荆川二首

王慎中

翛然於世有何心共說丈人似漢陰把釣行臨芳芷岸採樵時諷
紫芝吟暑時暴麥常忘雨園裏鋤蔬不見金四體長勤多鄙事道
情寂寞自知深

銅官山下一溪橫知爾獨多山水情最喜爰題蕉葉盛不憂長餓
蕨苗榮節垂日月嫌高甚思挾煙雲苦瘦生閒倚槁梧應自笑本
逃名却近時名

訪唐荆川

羅洪先

千里相尋到草堂蕭然隱几一庚桑心緣忘物幾無懼道在憂時

苦自強機發定知穿伏虎書多曾不畏亡羊別來鄙吝今如失可
是君身舊姓黃

別唐荆川

羅洪先

懷君歲歲苦相望一月春風去住忘臨發幾回畱解橐無言還似
待傾囊幸從見索形骸外恨不同生寂寞鄉家住名津書易寄莫
言諱姓懶題將

和徐養齋移居二首

唐順之

何年挂却侍巾冠新築山居一畝寬種黍聊爲終歲計移花應待
早春看門依綠樹人稀到身謝紅塵夢亦安更是謝家兄弟好長
吟池草對江干

窈窕巖阿叢桂秋清溪一曲草堂幽荒園自向閒中翦靈藥多從
病裏收葉上題詩應滿樹沙邊載酒不驚鷗莫道東山淹謝傅蒼
生日夕待嘉謀

夜歸草堂二首

唐順之

野夫也復到城市日暮還尋四壁廬蛩響露餘將入戶人歸月裏
又離居坐憑烏几都忘我起對流螢且廢書正憶青衿同舍子別
來秋興各何如

自擬身名如鄭圃宮環半畝日長扃褐衣頗笑非懷玉茆屋何緣
却聚星樹底蟬聲希鼓瑟燈前烏字一談經試言吾易將東去未
識何人是姓丁

草堂二首

唐順之

草衣非復漢廷郎
敝緼深冬臥草堂
貧薄不羞畜特計
沈浮也逐
關難行殘書閣盡經
旬病異味嘗來百草香
猶愧頑心猶未化
十年學道幾亡羊

近市偏逢食有魚
開門不問出無車
朱衣聊白對妻子
蠟酒時將
洽里閭世網幸疎如野馬
微名猶在愧山樗
亦知農圃真吾事
春至頻翻種樹書

小樓晏坐二首

唐順之

不入名山不世間
豁然隱几置遺編
身名瓦礫宜居後
人事蚊蚋
任過前抱樹蛻蟬
司化運隔窗風竹發
眞詮未登道岸終
難罷微

管還須學測天

涉世已知入夢蝶
居身未作脫鞵鷹
自疑戾契終爲病
欲學墨屎又不能
金老相逢知法器
慈公頗訝似禪僧
牛平馬也從人喚
惟一迂儒是本稱

覽徐養齋見懷毛古菴及小子之作存沒感懷和韻

唐順之

蚤歲曾陪杖履遊
遙思墓木已三秋
美人去後空聞笛
芳草歸時獨倚樓
世上玉顏還易老
山中石髓杳難求
却慙司馬頻相許
擬向清湖共釣舟

贈天甯寺僧八十

唐順之

化城東畔駐三乘祝髮從師記昔曾頻著袈裟迎上客自分齋飯
與遊僧談經幾夜窗飛雨削杖先年手種藤因笑馬鳴身已老欲
憑弟子爲傳燈

再遊清溪莊值主人不在次韻

唐順之

桃樹臨溪思不禁扁舟重問草堂陰西湖水落龜鼉石南國霜清
橘柚林壑際流泉宜稻性窗前過鹿解人心憶君翦徑相迎處今
日蓬蒿又已侵

贈醫士楊東亭

名經太醫
院正科

唐順之

衣裁鶴氅鶚爲冠數卷方書一草菴絳縣老人知幾歲太倉仙令
却多男不爲避人居郭外每因採藥到山南年來頗訝嬰兒色道

術從知宿派探

塵外樓二首

唐順之

高閣春殘始一登，忽忘去住似游僧。
齋鐘已罷鳥初下，江雨欲來雲自蒸。
笑指風旛看動息，每從火宅試飛騰。
年來漸解無生法，翻訝前身可識曾。

金門十載笑重登，歸去仍依白社僧。
虛館靜聽宵蟻戰，遠山時見夏雲蒸。
已甘散櫟終年計，恥逐冥鴻萬里騰。
爲問洛城游宦侶，鬢毛銷盡得閒曾。

謁顧涇陽公祠

海瑞

兩朝崇祀廟謨新，抗疏名傳骨鯁臣。
志矢回天曾叩馬，功同浴日

再批鱗三生不改冰霜操萬死長留社稷身世德尙餘清白在承
家還見有麒麟

大池別業

施策

草堂棲隱北山阿三月春寒未試羅遶徑松杉林氣合滿庭竹葉
雨聲多蒼苔路滑人希到白晝窗虛鳥自過住世却求清淨理不
妨寂寞臥烟蘿

上巳後二日山中喜晴限韻

浦應麟

積雨晴開試袷初乘春修禊集軒車風流漫詫香山後勝事真傳
曲水餘花鳥娛人供宴笑旃檀倒影俯清渠畱題紀勝裁新句醉
筆淋漓掃石書

送同館胡仲望謫常州

孫陞

又向城南舉別觴十年蹤蹟歎參商
霜寒薊野征車發雲縹蘭陵驛路長
郡閣晝開山是障樓船晴泛水爲鄉
蓬萊楚謫神仙吏檄召還看待玉皇

送張元諭虞部謫常州別駕

李攀龍

賦就黃花別平鷹還從遷謫問飛騰
懸知漢柱名當藉況復虞刀事可憑
寒雨大江臨楚望千家秋色暗毘陵
闔閭城外逢搖落何限吳山客裏登

錫山尊賢祠

李攀龍

長史祠堂海一隅諸君精爽夜常俱
懸知震澤珠來往莫問東峯

錫有無前輩風流開俎豆南朝伏臘見枌榆何人不談秦公子血
食賢哉二大夫

秦丈爲武昌公建開利寺觀驚亭

李攀龍

江上新亭接梵臺風流重憶右軍才相攜愛馬高僧過自許籠鶩
道士來池水如披霜練出煙霞猶傍彩毫開使君暇日多延眺可
但南樓興已哉

常州道中逢王百穀

王世貞

微名總愧尺書求況遇相知已倦遊席帽初拋燕市日隱囊徐坐
晉陵秋人中變色空談虎老去全身且應牛縱得量移君不羨好
攜雙槩待滄洲

壽宜興吳詹簿六十

王世貞

玉珂猶記倦登瀛無奈尙書舊履聲
少日功名三語掾故人風味
五侯鯖山餘瓊樹堪呼壽水入荆溪
轉更清遙想畫堂文酒宴鶴
能傳信鹿能迎

慧山東園爲王光祿家物余再過之矣復與俞比部曹安二

山人曹王二太學一遊卽事有述

王世貞

三過王園興轉新爲貪幽景豈關人蒼苔印鹿尤堪賞古樹嘯鴉
也不噴自有真山當北戶任他流水入西鄰翻騎履道林中竹總
好還沾京洛塵

華太學邀過鴻臚卿王公慧山西園景物尤勝麗與俞比部

曹山人同賦

王世貞

履齒何妨細雨過
主人緣客啟巖阿
朱樓有勢爭霄漢
綺樹無心長薜蘿
壘石巧當山色闕
分泉別取水聲多
編錢故是王家埒
喚作甬中奈我何

題祥符寺松

宗臣

喬松萬樹總良材
護日清陰一徑開
雲氣直從天竺去
濤聲長傍海門來
人行道上依濃樾
子落僧前點煖苔
山水清暉增偉觀
託根原不愧徂徠

史郡伯招同邑諸公飲新園投贈二首

唐鶴徵

五馬先生鬢未華
一方縹緲入蒹葭
新依南郭聊憑几
舊隱青門

不種瓜庭下水光侵捲幔雨餘樹色賈流霞飄飄仙侶俱雲臥此
日滄洲興轉賒

厭從末路走時名北園南園祇獨行久臥林皋知物化自辭朝市
識交情疏池爲借濠梁色種竹將分嶰谷聲虛館月明人散後時
緡內典學長生

訪劉勳衛於墓廬

劉係文成公後自青田始
移居毘陵城南因葬焉

唐鶴徵

何處哀鳴寄一椽淡烟衰草夜臺邊縱橫荒町孤村外聚散寒雲
落照前人本無心聊應世室雖有榻久忘眠親恩欲報知何限只
在禪修一念圓

題安陽山翠微寺

唐 皞

平地嵬峩起一峯
厯山西畔瀾湖東
勢侵雲漢千尋直
影落煙村四面同
龍窟正當螺髻頂
僧居端坐畫屏中
邦人不獨資觀賞
旱歲爲霖更有功

謁鄒忠公墓次韻

唐駿發

青山七里道鄉墳
夢破黃茅酒一樽
五日傷寒誰不死
千年忠節本常存
是非青史無今古
陰陽蒼生有子孫
華屋荒邱今幾許
斷無雞黍爲渠膾

卜居新塘灣

龔三益

鬱蔥佳氣古塘開
卜築東灣選勝來
帶郭環流明鏡合
飛橋疊鎖彩虹迴
平添柳色憐新夏
半落雲尖認古臺
忽憶上闌恩賜早
樓

頭直北重徘徊

寄呈唐荆川先生

吳維嶽

荆溪溪上有精廬南國儒生半侍居當日澄江曾枉棹一年京洛已無書靜中樂意義皇上吟處春風草木餘愧立門牆頻歲月終然頑劣一無如

晚泊武進荆川唐先生攜儲張二道人輕棹過訪述呈一首

吳維嶽

小艇琴書烟浦深毘陵秋月幸追尋幾年龍臥同巢許一意仙遊學向禽道侶共參眉宇氣齋居翻識市城心獨憐樗散趨微祿猶抗塵容領德音

毘陵逢羅狀元

萬表

清江病裏逢君別服藥閒居已四年
一念相期今尙爾此心那復得安然
江雲漠漠頻依望山月輝輝獨不眠
何意扁舟千里至一宵清話失前緣

自題愚公谷

鄒迪光

半畝山椒護草萊亭臺長傍化城開
無多泉石勞商略薄有烟雲費剪裁
梵綠池邊羣鳥集月明林下一僧來
鑑湖大荷君王力敢謂清時肯棄才

施同卿新園社集得剛字

嚴一鵬

結構城南風日閒又尋佳約共追攀
堂開綠野芳池合坐揖青山

粉蝶環苔徑參差從緩步菊杯醕酊任酩酊懸車甘載神仙客吟
罷新詩手自刪

水居二首

高攀龍

有客風塵歸去來兀然孤坐水中臺九龍山似翠屏立五里湖如
明鏡開春雨鱖肥菰米飯秋風鱸美菊花杯蒹葭白露伊人在恣
向江天亦快哉

幽居無事不開顏爲惜春光只閉關兩眼情親惟綠野一生心契
有青山桃花灼灼烏嘒寂柳絮飛飛人意閒緩步溪頭看落日月
明深竹抱琴還

再過錫山訪鄒彥吉先生

鍾惺

歸帆猶帶別時霜，道路無多計日長。
遊盡未殘山雪影，到遲堪待澗梅香。
念余寒夜舟何處，對此良朋水一方。
但記去來皆見月中，間陰霽亦相忘。

五日郝仲輿使君招飲君山

何白

茂宰登臨復在茲，憑高懷古一題詩。
樵蘇不見春申墓，蘋藻惟羞季子祠。
帆外天垂吳岫小，鏡中鳥去楚江遲。
昌陽九節猶堪續，命何煩繫五絲。

聽松庵

韓友直

坐斷西神九脊龍，一庵花竹隱仙蹤。
碧山學士水蒼佩，玉女明星雲母舂。
漚荒池香魚弄藻，翻經院靜鶴盤松。
只應同飯胡麻了，更

上瑤臺第幾重

宿聽松庵時李貞伯先別

韓友直

風滿松庵西日晡臥遊喜借舊團蒲
舍人水墨蒼苔壁學士文章
紫竹鱗抱被真來伴泉石題詩聊欲寄江湖
李膺獨去仙舟遠月下郵程夢此無

遊蓼莪庵憶唐中丞

鄭梓

會期唐勒蓼莪遊十載風塵動客愁
藥採青精顏可駐詩題白社
迹堪聞湖波浸月孤蓬夜草樹迷煙一笛秋
自昔傳經頭漸白令人涕淚憶王裒

龍池

吳大禮

過嶺煙霞別是天老僧指點話當年池龍已去三千界巖虎曾參
第一禪震澤波光飛鳥外洞庭風景夕陽邊興來月下仍呼酒醉
眼看雲杖底懸

移家荆溪酬諸老見訪

吳大禮

借地城南卜隱居柴門流水愛吾廬靜看山色忽成句獨坐溪干
豈羨魚世上閒愁身外事眼前樂趣案頭書幽深自分無人到何
意仍過長者車

遊孤山

朱一馮

翠微百尺湧江頭躡屐捫蘿快此遊石磴徒懸苔縫合梵鐘遙度
鳥聲幽千帆影外羣山拱萬里流中一柱浮薄暮月明天似水坐

來涼氣浸高樓

寬民堂

顏耆仲

聖訓昭垂本至仁此堂取義立名新
通商有道能徠遠計利無心
益爲民寬賜一分皆德意奉行兩字屬微臣
年年寶貨千艘集好
是熙臺到處春

隱君泉

錢孝

白石清池半畝寬飛流出自野雲端
山僧細汲歸香積稚子遙分
刺竹竿雨重更添琴韻響月明偏覺鏡光寒
隱君今病文園渴莫
笑頻來沃肺肝

秋堂夜坐

陳一麟

夜午風林噪集鴉挑燈檢課愧名家竹簾光透窗邀月土盎香濃
火宿茶清隱角聲將轉漏紅浮燈暈欲生花一庭風露多蕭瑟獨
抱陽和領歲華

閒居述懷

陳一麟

覩破浮生自晏如睢于長日掩蓬居春風逸興同歸詠夜月閒情
愛讀書庭草綠深微雨後遠山青勝過雲初已耽疎放顧衰老肯
學文園賦子虛

永陽殉難二首

劉熙祚

倥傯軍旅已逾年家室迢遙久別顏嶺北骷髏驚作壘湖南宮殿
倏成烟鵲血不沾無塚骨烏噉偏集有狐田死生遲速皆前定堅

此丹心映楚天

故園隔別又經年
今顏非復舊時顏
山川草木俱含淚
貔虎旌旗盡作烟
老婦漫勞尋蝶夢
兒孫切莫種書田
衰宏化碧非奇事
取孤忠向九天

歸夫椒山

熨斗崖名

陳睿謨

萬竹烟巒列翠鬟
桃花舊繞讀書關
霞蒸熨斗承流起
浪暖魚磯擁棹還
雲落數行雲外樹
浮沈幾處水中山
結茆幸託羣峯下
暇日扶筇次第攀

渡西湖

吳正志

晴湖萬頃白雲西
破浪飛帆過草隄
縹緲青螺分壤變
婆娑綠樹

逐村低雨過秋水兼天淨月出寒禽帶露棲欲問漁郎家住處斷
橋深葦使人疑

過鴈門

係余夫
椒祖居

許鼎臣

堂前燕燕久他飛極目滄桑感式微鴈字低迷明月嶺漁燈半隱
白雲磯薜蘿舊巷名空在桃柳芳洲夢漫肥今日同人翻作客苑
裘老去念安歸

滄洲社諸子招集君山分得題字

潘之恆

載酒登山信杖藜玄關幾折盡丹梯氣通三峽岷江尾地擁孤城
渤海西暫借蒲團移石座同分柿葉帶霜題舊遊滿目成漂梗羨
殺南飛鴈影齊

宿孤川僑居有感

堵允錫

湖山不改舊風流萬頃波光
照荻洲聽我好禽當日句
懷人芳草接天愁
半生蕉葉難爲夢
一樹梧聲忽到秋
大笑開顏原不易
傾樽莫負故人留

東林道南書院志感

陳繼儒

城頭歸羽夕陽時
不是深秋也自悲
川上水流君子澤
階前草護黨人碑
魚龍混雜元難辯
玉石俱焚祇爲誰
獨有講堂三四柳
蕭條枝葉向東垂

宜興道中次百史韻

邢昉

江天渺渺不同遊
鼙鼓驚心起戍樓
太白曾聞出東井
蚩尤還說

掃牽牛山川清淑猶堪賦桂樹攀援即可畱世亂卜居何地好朝
朝相望綠蘋洲

送李生隱破山

邵濂

古寺烟深人不知空心亭上竹參差朝翻貝葉隨僧梵夜捉松枝
和客詩世態不堪青眼對閒情自與白雲期相看莫訝歸山早老
去歸山事已遲

村寓雜詩二首

黃毓祺

無情草色爲誰萋淪落歸來一短藜春水自流茅舍外夕陽猶在
石橋西早衰有質同蒲柳舊學無心付棗梨寄語兒曹休似我五
更風雨聽雞啼

細柳新蒲色共斐閉門危坐敢扶藜可憐多病人偏老一似驚風
日易西僂口未忘雲澤米枯腸空記鄭州梨星稀月白飛三匝烏
鵲無枝也自嘯

和李仲達題壁詩

魏浣初

看詩却引懷人淚三歎遺詩筆力高一自聲名叨御李幾回瓊玖
報投桃才宜史館青藜映禍起霜臺白簡操九死千秋雖大節分
明玉樹斧斤遭

和寒亭詩

徐遵湯

桃花春信走琅玕松柏尋盟已歲寒把臂壽中論縞紵側身江左
失衣冠好從馬史開天眼漫借牛刀剗雪肝若較異同分出處依

然饒舌類豐干

塵外樓

釋普聲

塵外人登塵外樓塵無半點上心畱樹頭花落鳥啼午竹底涼生
風報秋四面開窗供眺望一甌香茗話交游先生若解吾宗意說
法隨令石點頭

贈江上李唐公

國朝
吳偉業

先德傳家歷苦辛汗青零落賸閒身雲山笑傲容遺叟松菊招尋
見故人猶有田園供伏臘豈無書卷慰沈淪只看五月開尊宴撥
刺江魚入饌新

遊蒹葭莊

楊廷鑑

平泉臺榭枕巖阿此日何人載酒過三徑落花啼鳥寂一湖秋水
夕陽多漁家破網張紅蓼野店疎帘挂綠蘿我欲沂洄人不見隔
山愁聽採茶歌

寓放生池陳椒峯遣伴送酒

杜濬

招提處處託宵晨乞食焉能隱此身松徑呼風惟有鳥竹林因雨
靜無人蕭條花事都如夢潏灩湖光獨似春飲罷高齋仍送酒感
君忘老復忘貧

秋日送王子歸江陰二首

毛先舒

樽酒離亭白日斜湖波渺渺送仙槎天涯霜露初逢鴈水國芙蓉
正著花寶劒防身三尺雪黃金招客幾千家風塵却恨相知晚握

手西城鬢早華

馬首疎星墮客衣
楓丹蘆白送將歸
那堪鴻鴈悲行路
偶見鯈魚憶釣磯
越嶠雲霞生曙早
毘陵花草入秋腓
三吳豪傑多名姓
落魄如君政自稀

陳介夫自錫山歸過訪同張古迂王雲九

呂嘉岳

陰雲飛盡碧天開
乾鵲聲頻欲浪猜
徑裏芟鋤秋草淨
門前喧笑遠人來
囊無赤仄求鱸膾
座有清琴當酒杯
四載方成今日會
悵然同向夕陽回

清明日與許豈凡惠麓樵石亭山縱步

呂嘉岳

今朝難值是晴天
無處韶華不可憐
桃塢遠燒千樹火
柳隄斜拂

萬條烟尋芳盡道宜春服行樂還須憶少年見說山南泉石勝又
隨杖屨過前川

遊篠嶺

呂嘉岳

山外看山只幾重山中迴看萬千峯嶼藏平衍偏宜稻屋近從龍
半隱松丹葉蒸霞光灼灼清泉雜雨響淙淙向平婚嫁何年畢谷
口躬耕學老農

蛟橋夜月

黃錫朋

烟連睥睨跨長虹靜鎖溪流氣象雄鐘鼓聲中催桂魄星辰影裏
映蛟宮光搖簾幕千家畫水傍樓臺一笛風我欲乘鸞向寥廓羣
仙縹緲慢亭東

國山煙寺

周啟爵

盤空兜率萬峯間
翠織雲煙鳥往還
偃柏雷書天地寶
金亭玉柱古今閒
老龍說偈晴歸鉢
諸佛談經雨滿山
信是三生多勝槩
洞開層閣待躋攀

銅峯疊翠

周啟爵

層城南上最高峯
秀削芙蓉翠靄重
鏡挂五湖浴日月
劒橫千嶂鎮蛟龍
晴飛法雨滋花縣
雲擁仙廬隱舊蹤
惆悵袁君曾羽化
山人指點石苔濃

茶山卽事

莊同生

霜醉平林樹色殷
崎嶇邱墓古茶山
紅橋劃水漁舟宿
白閣摩松

佛日閒極目頓驚秋氣改
悲心真與物情關
蒼茫猶是當年路
惆悵無人獨往還

永慶寺誦羅念菴詩

莊同生

步隨春草向城陰
小憩精藍獨自吟
綠字堪消三日坐
白雲如見百年心
侵階細細簷花落
被徑離離野竹深
生不同時應有恨
隔牆愁聽一聲禽

徙居郊外二首

毛重倬

乍違城市住山隈
別業清風傍水開
攜榼閒尋野老去
看花時見酒人來
滿簾修竹迎風長
近圃香蔬過雨栽
吾道祇今還伏櫪
高歌一曲重銜杯

結茅種芋復栽花抱籍攜琴近酒家
漸老逢人傷往事長貧涉世愧生涯
醉歸松徑雲生袖釣罷漁磯月滿沙
奴婢久居皆自得好縫荷芰隱煙霞

秋日同錢子燕穀泛舟白蕩尋菊吳大聲蒹葭莊醉歸吳贈
花索書

董文驥

南郭年年泛釣磯每逢時菊耀芳菲
侵淩霜色迎寒鴈爛漫秋光送落暉
紅袖內家扶紫袖白衣宰相扈黃衣
瓦盆滿載虛舟實花逐遊人共醉歸

荅毘陵鄒訐士

顧九錫

蕭寺逢君春已殘平原十日共盤桓
放懷是處堪招隱得醉何須

戀一官別去蓉湖青草隔望來瓜渚白雲寒幾時得泛蘭陵棹
子祠前把袂看

移居戴溪二首

黃永

飄零四十賦歸歟蓬鬢蕭條白有餘八口兩年三徙室五湖千里
獨浮居爲農未得甘爲圃學劬無成更學書營却菟裘將待老自
鋤荒徑護山樗

風塵南北漫躊躇澤畔行吟又卜居喜有漁樵堪問答尙因書卷
費舟車閒栽籬槿圍紅莧俗常園蔬種白魚林外跼然偏色喜好
儲斗酒待長沮

春申碕上

王士禎

望礪亭邊野望新
明流秀嶂碧粼粼
春山終古連秦塢
珠履何年問楚人
冰雪倒懸三峽水
風烟遙接五湖濱
李園已是成荒草
太息空祠一愴神

夜泛震澤

徐乾學

寒光一片下飛鳬
積水空濛漾碧蕪
虛擬使槎凌斗窟
却教詩思濯冰壺
衣痕冷帶溪煙溼
岫色青來木葉酥
所喜故人酬唱健
朗吟明月慰羈孤

泝荆雪蓑

徐喈鳳

溪空雲凍雪霏霏
何事漁舟獨未歸
隱隱白衣人把釣
茫茫素練浪衝磯
半身蓑笠忘寒暑
一色乾坤渾是非
此景從來難寫照
雲

林淡筆或依稀

晚步放生池觀荷

楊大鯤

古院微茫欲二更一泓秋水到門清
煙籠遠樹疎燈出露滴寒塘
獨鳥鳴螢度綠漪明復滅人隨香氣坐還行
夜深衣冷且歸去城上月高聞柝聲

暮春雨後游陳灣山

毛羽宸

林光嵐翠絕塵氛樵響丁丁隔嶺聞
寂寞殘花千澗雨縱橫亂石
半山雲靄螺影外遙天合黃鳥聲中野徑分
幽思無端隨屐齒荒村日暮薦泥芹

野望

高照

積雨初晴色尙冥
遠山斜日澹雲屏
溪邊去鳥一點白
樹裏來帆半幅青
麥隴深深方沒雉
草塘瀰瀰欲浮萍
流光荏苒誰畱得
紅藥梢頭露一星

艤舟亭懷古

賀麒徵

城東高堰砥中流
昔日坡公夜泊舟
去國有身方偃息
報君無地且淹畱
蕭蕭古刹松雲護
吳札荒祠暮雨收
惟見碑亭遺址在
年年花草自春秋

兼葭莊看梅二首

董以甯

茶山曲徑遠聞香
柳弄新時半欲黃
有約翻嫌前度早
重來却憶少年狂
寒花久待游人屐
芳樹遙鄰牧馬場
指點園林無限思
幾

回蕭瑟對斜陽

隔岸頻呼送酒人百壺傾倒恰初春儘堪盡日聽黃鳥況有盤餐
繪素鱗花接西莊猶爛漫詩畱東閣更清新秋風叢桂還招飲休
爲愁多老此身

月夜同史庸菴董文友過范廣文署齋飲卽席贈范

龔百藥

環橋槐柳肅金波數子論文靜夜過恰信屐閒詩不少莫辭官冷
酒無多聞笳漫向燈前舞對菊難禁醉裏歌此地風流饒鳳侶琴
魚且得慰蹉跎

移居青墩二首

董元愷

環堵蕭然一畝宮畦桑隴麥屋西東休將得失評蕉鹿且樂琴書
賦蓼蟲拾翠每攜嬌女伴開樽時許老妻同花開花落渾閒事好
寄高懷明月中

岸幘青山嬾曳裾力田衣食取贏餘一生自蠟陳畱屐三徑時乘
彭澤車課僕雨鋤耕後草呼童塵掩讀殘書柴門寂寂無人到箕
踞從教禮法疎

答吳無錫伯成

曹禾

春風頻嚏客心驚知賦停雲季子成水郭大都棲乳燕溪山誰與
聽嘒鶯援琴有操時招隱細雨無塵想勸耕爲報別來相憶苦風
流文采不勝情

毘陵觀競渡

曹禾

曾上蓬萊最上頭
簫韶雲際見龍舟
暫留鄉國逢華譙
不愧江湖作浪遊
彩鷁競時歌吹亂
錦標奪罷水雲浮
翠鈿紅袖饒行樂
誰問靈均萬古愁

再寄鄭山公

曹禾

隔歲書來帶雪花
悠悠雲樹思無涯
夢回海國如聞雨
春近茆簷更憶家
刀鱗風腥鷺鼻漲
銀魚潮落馬馱斜
江梅次第開官閣
倚檻詩成放早衙

寄邵子湘青門草堂

郭元鈺

芙蓉湖上邵翁名
位元真桑苧中
京雒聲華懷漫刺
江湖思緒

趁歸鴻春田一頃豆花雨晴屋三間倚子風老却謝敷星下客鶴
書何日兩輪紅

萬立堂招看牡丹同流花譜子限韻

董大倫

二十二番風過了楊家鹿韭正飄姚欲隨蝴蝶一卒去已有黃鸝
再四邀淡迤春光宜酒蕩荷新花樣要詩描似子嬾病同希逸容
易憑闌酌一瓢

望馬蹟山懷吳大奉猷

董大倫

夫椒山翠薄雲遮之子幽居過水涯人似孤雲行斷嶺句如寒蝶
弄秋花隨常薦客挑蒲筍一向遲予試草茶二十三灣風未便愁
看波面數峯斜

茶山古墓感賦

黃章

路入茶山古徑邊
道傍荒墓草芊芊
賢非季子碑難辨
烈不曹橫塚莫傳
境會昔年誇勝賞
歌鐘今日恨寒煙
崦嵫日暮人多少
猶著秋風款段鞭

看東郭楊家晚菊就飲毘耶室

胡香吳

秋樹寒雲色漸黃
野人門徑似山莊
融融冶冶延佳客
葉葉花花媚小堂
衡宇偶逢僧飯熟
布帘吹過酒杯香
亦知結佛憐蘇晉
別有真容答上方

過華孝子祠

彭定求

信史南齊蹟可尋
祠旁趨步振清襟
丹檻尙作青山主
皓首依然

赤子心泉乳細縈苔砌冷逆香暗進石池深向爲孝子故宅惠天泉流注有金蓮池
教篤行扶倫紀詎止名高鄉里欽

延陵懷古二首

唐惲宸

延陵公子舊祠堂徐塚相望歲月長宿草形模留古蹟挂劍臺下草形如劍

可療心疾大書深刻類春王品題不是推宣聖聲價誰知過子臧千載

斷碑重合璧十字碑斷而復續痕蹟旋滅直隨劍氣貫穹蒼

當年歷聘自風流此日空山拜坵墟野祀不妨隨土俗特書曾見

重春秋蒼涼臺榭夫差恨零落簫簫伍員愁所幸一坏君子墓幾

經風雨護松楸

過漁洋山

唐惲宸

湖梢寬渡喚漁蠻天入漁洋別一灣
遠樹和煙浮笠渚亂帆帶雨
抹琴山忽來鄰岸水雲外亦有人家
花竹間踏破芒鞋隨野衲落
梅風磴打包還

九日泊舟東郭

陳聶恆

迢遞橫塘樹影斜得歸猶恨去程賒
就荒三徑緣何事每到重陽
不著家風嫋紫船波面柳人隨趨市
擔頭花合尖別有工夫在金
碧何須耀晚霞

太平寺浮圖寫吾邑登高之所時鳩工未就

晚步舍北

陳聶恆

病肺何當出晚林秋原無雨亦蕭森
鶴歸空自憐荒塚鴈到徒勞
惠好音楓葉半村通望眼蘆花一水隔
傷心寒衣未製風侵骨何

處斜陽斷續砧

梁鴻溪

張列宿

第一清流梁伯鸞入吳高臥九龍灘天低烟雨迷遊舫月淡蒹葭
濯釣竿四皓頌畱磻石字五噫歌挾碧雲彈祇緣不肯因人熱溪
水於今兀自寒

忍草菴詩社集

顧埜

一嶺寒雲亂木中梵聲時出兩三峯石盤厚地疑眠豹松入蒼天
欲化龍蓮社招攜追靖節草堂酬對愧周顒最思往歲清談夜又
見霜顏映翠重

乙丑春撫憲湯公莅東林因憶先伯祖忠憲公丙寅全歸日

正六十年次硯日韻志感

高蒼生

逝者如斯跡未湮道光節鉞舊彌新世升世降尋常事人去人來
六十春止水一源同入海宮牆數仞共傳薪重看鐘鼓鸞旂盛直
爲千秋慶此辰

釀花莊雜詠二首

華天衢

春鳥依依擇木棲幾間茅屋渡頭西一堤截水聊通路三戶爲鄰
尙隔溪牧笛橫吹芳草亂漁蓑斜挂夕陽低此中大有逍遙處
得新詩日日題

精衛何知結構難今來處處足盤桓遶牀流水清堪枕排闥青山
秀可餐高唱竹枝歌進酒輕拈蓮葉戲爲冠故人有意抱琴至好

就西窗石上彈

復竹茶爐和顧梁汾

秦保寅

高閒清製尙依然試茗蕭齋一榻前
秋水澗深朝聽雨落花風過
午生煙縹緲珍重三千首僧院銷沈二百年
不是彥先能好事幾回遺韻委流泉

太保墩

邑義旅禦倭戰殉處俗稱水仙墩祀廉宰劉公五緯於此

王幾

孤嶼藻洄古堞東溪山勝處著神叢
春濃遊屐迷蒼霧月黑漁舟上晚蕩
千載國殤存社鼓百年勞吏聽晨鐘
於今誰識城烏夜羌笛橫吹擊柝中

山中晚歸

嚴繩孫

使君遲日愛林泉
基局詩筒事事便
山暗高樓聽急雨
月明柔櫓下晴川
戎戍岸柳連江市
隱隱城烏起曙天
自是文翁多暇日
不關河朔勝情偏

顧光旭云先輩言吳伯成制府宰吾錫時與秦嚴諸公詩酒畱連往往清談達旦文翁多暇謂伯成

也一時宏獎風流數君子俊游林下後起之士蔚然興焉

忍草菴度夏寄貽京王二

侯文燾

分將禪舍作書巢
補葺何妨白翦茅
客病最宜親梵夾
家貧只合薦山肴
看恰逢花盡荷擎蕊
正苦林疎筍放梢
長吏任教徵稅徧
傳呼應不到荒郊

贈張惕菴

趙繼光

黑水滔滔捲逝波
潔身須是首陽阿
興朝俊彥輸公等
亡國俘

囚奈若何

楊范呈廣文有與劉綱羅俊彥安用亡國俘囚之語

一領青衫拚棄擲兩丸白

髮重摩挲

以所薙髮作兩髦狀

桑榆落景消難盡只詠文山正氣歌

自孟濱渡楊子江

邵長蘅

孟城東面黃山北天塹中分楊子江江勢全吞吳徼闊潮聲直到海門降曉鐘遠岸瓜洲樹暮雨連檣估客艘南北近來添戰壘城頭烏尾動旌杠

自題青門草堂

邵長蘅

銅官山北具區西藥圃茆堂望不迷落照青蒼峯遠近秋風穠樸徑高低江湖地僻餘耕釣閩蜀山深急鼓鼙沙碧竹寒相似石居人休擬浣花溪

望太湖二首

邵長蘅

東南萬壑具區尊底定千年禹績存
點點青峯汎鳬鴨皚皚白浪
吼鼉鼉松茗水外疑無地橋樑山中別有村
惆悵鴟夷從此去空祠何處薦溪蓀

七十二朵青芙蓉晴天亂插碧湖中
玉柱金庭杳人境十洲五嶽
應潛通紫芝何處訪角里白鹿導我尋毛公
好待秋風放船去筆牀茶竈隨孤蓬

懷鶴岩示兒子濂書

蔣金式

岸曲牽船首重回數行小樹近新栽
晴乾汲水常常灌陰雨鋤泥
細細培瘠土正需勸力補及時自有好花開
丈夫須辦長貧賤老

圓經營見汝才

鵲岩

蔣金式

問津到此路常迷村外孤村溪外溪偶爾得名齊鴈岩儘堪擁卷
獨雞栖居然和靖梅花屋亦有東坡楊柳隄只少數峯林外立好
將黃石補窗西

東坡先生以宋建中靖國元年辛巳七月二十八日卒於常
州白雲溪上孫氏寓館到今康熙辛巳已六百年矣今歲余
主塾方庶常共樞家坐臥處卽孫氏故館低徊吟歎不釋於
懷爰以是日招同學諸子及門人輩凡十九人肇祀先生拈
眉山二字記事二首

陳鍊

端明此地上騎箕萬歲千秋宋玉悲七澤已空猶弔古兩楹長在
忍忘斯晚傷同叔逆風雨早向君王乞蓋帷只望稍輕儉海瘴託
身原不定峨眉

崎嶇萬里息間關客夢清酣卽故山網得銀鱗開笑口盛來玉盃
破愁顏花前翦紙秋光滿池上敲詩夕照閒願約年年爲此會蘭
旌只送白雲灣

謁平西將軍墓

湯能獅

斬蛟射虎事何難仗節須登上將壇一自沙場遺戰骨幾時故里
葬衣冠秋風牧馬荒原靜落日唳鴉古木寒爲訪當年忠孝蹟斷
碑蕪沒有誰看

湖濱眺遠

邵俠

鷗磯鳥道恣經過
浪捲沙痕旋指螺
插地一峯縹緲出
連天萬頃水雲多
偶攜同調尋幽賞
不覺清狂起浩歌
世事東流誰砥柱
漫從方外覓烟蓑

遊石磬

徐蓀

古藤挂壁舊曾攀
高閣凌虛敞不關
峭崿崢嶸排檻外
幽泉自在響松間
林深有客披雲坐
山靜如僧盡日閒
醉茗不聞塵界事
倦飛應羨鳥知還

送陳康侯赴常州幕二首

李良年

處士星隨太守章
何如草檄楚雲鄉

前年歸自楚

元瑜未必才
方駕許

泥從教臥下牀上已短亭人喚酒春申南浦燕捎檣平生好事還
能否水味須尋第二嘗

愁聞櫓馬夜分喧草色平明上短轅名士休嗟長道路客游轉喜
近田園蘭陵此去三千里花信纔過十二番擬棹歸船尋握手東
風取次柳綿翻

遊善權寺

蔣景祁

雨餘煙寺路初通一徑松風聽不窮綠字久湮丞相碣青山無恙
梵王宮林間鐘磬橫空度洞口雲霞入畫工我至欲尋棲隱地當
年善卷許誰同

登龍池絕頂望白雲巖

曹亮武

玉陽臺畔憑虛閣萬壑晴巒出五湖人近天都低落日帆連秋水
亞飛鳥生涯能幾穿遊屐造化居然作畫圖爲問白雲深護處池
中還有臥龍無

玉女潭

孫元宗

聞說仙妹一寄蹤丹成飛去更難逢長留皓月明潭鏡可趁晴雲
現玉容巖上異花青鳥度澗邊古碣碧苔封遊人不敢舒清嘯恐
放聲驚水底龍

入龍池山坐萬息亭

路念祖

孤亭橫枕亂山邊野老相逢偶息肩馬蹟車塵分下界鐘聲花氣
落諸天苔階翠滴池頭水竹徑涼通谷口煙去去不須登絕頂勞

生到此已悠然

同其年原白描壺福生寺

吳梅鼎

南郭仙居接梵宮
壺觴結伴幾回同
晴雲晚駐千峯日
曠野寒生萬樹風
城動角聲歸牧馬
溪涵月影度征鴻
山川儘可供吟嘯
何事人間逐轉蓬

再過龍池禹門禪院

吳璫

山腰竹路望晴煙
峯頂雲房臥老禪
藤杖幾回經石磴
蒲團今日坐松邊
飛來又聽銜霜鴈
蛻去空憐抱葉蟬
萬壑陰森鐘磬杳
夕陽烏鵲下秋田

娑羅樹

并引

楊湛露

出郭名山南岳爲最襟溪帶邑列岫重峯時偕勝友杖策其間
泉聲咽石日色寒松如行山陰道上應接不暇寺門有娑羅樹
一株相傳稠錫禪師手植哦咏其下不自知其工拙也

靈山翳鬱書長陰寶幹槎枒自古今東渡一花原五葉西來雙樹
不多林石邊掃月移清梵池上吟風起素琴伐木斧柯曾不到懸
知佛日過來深

江陰陸天濤明府招集署齋

吳綺

秋盡澄江月影寒南軒煮酒坐更闌從他別夢長千里如此才名
始一官飲水共知爲吏好著書猶復向人看城頭山色多飛鳥誰
信金門紫米難

重游韓園喜晤爾鉉

吳綺

重過玉映舊時堂好友相看鬢總蒼
百歲欲同梅樹古一年多爲菊花忙
閒香未及閒山館謀醉何曾計客裝
三十餘年清夢在此時能不倒干觴

立冬前一日同集生玉亭遊君山登望江樓遠眺

吳綺

層波渺渺水颼颼乘興盤輿到上頭
風月可憐人自老江山無恙客重遊
烏鴉向夕爭歸晚白鴈明朝又送秋
望裏金焦深不見倚闌誰更說歸舟

澄江九日作

吳綺

清秋重繫剡溪船
借榻蕭齋意惘然
歲序催人還九月
江山別我已三年
黃花插帽非吾土
紅粉持觴總各天
笑殺白衣人不見
憑誰酬付酒家錢

澄江喜晤昉思過飲玩月

吳綺

才記分襟各幾年
故鄉相見益歡然
秋殘忽得連宵月
寒近難逢此夜天
爛醉共傾桑落酒
朗吟同訝衍波箋
紅玄白芷平生好
願譜新聲付寶絃

同廣霞飲石霞齋頭分韻

吳綺

清立幽栖似陸渾
情深舊雨爲開尊
霜凝古樹紅連屋
秋老遙山翠入門
北海千觴隨客倒
南州一榻許人溫
何時得遂攜家約
盡

出奇文翦燭論

登君山

吳綺

霜染柔嵐色更新扶筇還其步峻响地因朱屐仍畱姓容有銀樽
豈道貧雪色滿天催去棹江聲一路送歸人長松翠竹重相見多
謝青山不厭頻

過漫園訪陳元伯卽贈

吳綺

室邇何須著屐迎開門卽有佳山情亭花影接池花影林葉聲傳
砌葉聲官冷尙能容下榻人閒當得共敲枰不嫌剝啄驚栖鶴且
向桐陰取次行

高公止水

并引

葉復

止水在城南隅昔爲忠憲讀書地齋三楹左偏小池淺深僅四五尺許方廣數尺其南有大池不啻數倍緹騎至郡時從容就義從屈平遺則不於大而於小所云冠不溼履無泥者信有之矣後遂爲有力者所踞其主人復不好事榛蕪彌望非有引道者不能識因思忠憲前代有數人物止水亦吾錫有數勝蹟一再傳而竟等之斷潢絕港可慨也已戊戌二月偕孫翁漢廣秦子霖若賓王弟上舒姪同觀

先生正氣溢湖濱瑤篴彌天節自伸不辱其身惟一死各行而志等三仁光分日月心如水道接閩閩學有津賦就九招惟宋玉我來何處哭靈均

漆園九老會詩并序

莊樸

清度

宣室

禮部郎中年九十令翼

漢庭

福建臬司年八十四

詒

公謀

臨洮守年八十三

樸雲

黃梅今年六十八

歆

聲升密

縣今年六十六學愈

補蒼

開州牧栢承

南廬

石門令俱六十三

大椿

習年

射洪今年六十一

桂

書石

浙江溫處道年六十九

人共六百三十歲其花甲既周而現仕及在仕籍而花甲未周

者不列時乾隆十四年己巳花朝日書雲氏倡徵同人和

九人六百三十歲林下相逢盡一家簪紱地來無挂礙釣遊隨處

足生涯芙蓉湖畔供吟眺棣萼樓頭閱歲華但使殘年長健飯未

妨問柳更尋花

芙蓉湖紀遊

包士曾

春來三日兩日雨湖上十村九村烟水色山光淡暝日花情柳態
嬌遠天負筐挑菜此方女驅犢駕犁誰氏田隔岸早鶯喚遊屐笑
芙蓉堂來醉眠

奔牛

許田

渺渺雲橫杜若洲又牽孤艇過奔牛車行壞路聲先到人立高橋
影不流柳受風斜小垂手烏衝烟去懶回頭乍晴乍雨渾難測做
弄輕寒釀麥秋

呂城

許田

阿蒙城外柳陰陰霸業烟消那處尋野市買蔬分玉版小瓶沽酒

分門古今類事卷之三十一
三
配江鷺春田錦雉真堪射老樹玄鳥不待黔莫把興亡問流水送
人來去總無心

懷東坡癡丹亭

儲麟趾

煙艇何年道晉陵孤亭瀟灑傍漁罾牡丹長憶太平寺玉版同參
小乘偈細雨斜風應未阻青衫白袷更誰能到今東郭經行處猶
說雙溝是采菱

秋霽晚步

蔣麟昌

家住桃源古渡東一溪新漲落長虹徑緣客少苔痕滑樹到秋深
葉影空岸草已隨涼月白江楓不減晚霞紅蕭然兩載風塵外又
擬津亭繫短篷

時將計
告還石

抵家後書感

董潮

數載懷歸夢尙違卽今如夢却真歸月明海上看雲立
秋老江南逐鴈飛親故幾人誰健在田園先業事全非
橫塘曾是行吟處舊種垂楊已十圍

閉門

陳龍珠

閱盡人情始閉門青苔窮巷似深村不勞使者來車馬

近有宦蜀者欲招余

往差覺幽居適夢魂幾縷茶烟消白晝一簾燈火坐黃昏
芸香五世遺清澤故篋韋編課子溫

謁季子廟

陳龍珠

蒼苔寂寂草離離拜謁延陵季子祠讓國無慚周泰伯
題碑深荷

魯宣尼當年觀樂知時政此日遺風動遠思擬袖辦香膽馬鬣澄
江中浦路透迤

和莊書雲先生漆園宗會詩原韻二首

陳龍珠

九老唐時猶異姓耆英今萃漆園家拙簪前後歸林下卜宅東西
傍水涯居第有東西莊之稱共按宗支敦輩行互輪甲子數年華人間此會
真難得紀瑞書屏燦筆花

九人六百三十歲齒德爵俱占一家醉酌春醪欣有伴聯吟秋水
思無涯天畀清福娛泉石

帝賜閒身翫物華江左只今多碩果蓬萊千度放桃花

行茶山道中

陳龍珠

生來僻性懶居城石徑崎嶇愛獨行
花點客衣真有意鶯囀春樹
豈無情斜陽牛背笛三弄古寺山腰磬一聲
去去不知何處所野
雲流水小橋橫

偶過白雲尖散步卽事

陳龍珠

參差臺榭白雲尖雨過溪灣翠色添
沙鳥亂飛遊客舫蒲帆斜映
酒家帘渡頭垂柳抽絲細水面微風織浪恬
吾郡賞心惟此地詩
情畫意兩相兼

雨窗試新茶次舍弟秋睦韻

李英

詩箋茗椀鬪清新梅雨蕉窗病起人
魚鱗試尋煎水法旗槍乍展
故山春一甌潤逼撐腸字雨腋清回破夢身
不信幽栖隔天上頭

綱未賜早沾唇

雨窗試新茶

李萼

午窗睡起思清新庭鎖荒蕪徑少人
籠竒斜封來舊雨香分百餅
試先春書籤藥裹叢殘處雪碗冰甌料理身
舌本餘甘偏領略傲
他竒味說猩脣

晨起開門偶有會意

李萼

盟蹟晨興自埽除歸歟頗亦愛吾廬
冒懷茂叔階前草機趣蒙莊
濮上魚繞舍荒畦閒縱牧隨身長物偶攤書
荆扉拄杖看雲好柳
暗官塘水一渠

扁舟晚興

李萼

拖筇曳屐過橋東釣艇呼來踏醉翁
幾片飛花隨短棹半竿斜日倚疎篷
驚鱗偶濺跳波雨低燕輕翻掠尾風
歸路陂塘更闊勝暗叢人語閃燈紅

次兒珙奉

命勘獄浙江歲事回京便道歸省作詩示之

刑部郎中
吳郡母左恭人

星輅暫駐入鄉園兒女牽衣賓客喧
百歲幾番開笑口片時相對是

君恩莫愁老髮侵霜鬢好誦清芬到子孫
明發津亭花正盛此心則汝比春溫

癸酉中秋和表姑丁景湘韻

左恭人

小閣開簾待月生最憐佳節得新晴
露涵桂影當窗溼風逗梧聲隔院清
坐久荷爐香易散才疎謝絮句難展
當前景色饒清賞課婢先烹碧玉英

常都八邑藝文志卷十二

跋

常郡藝文志十卷錢塘盧抱經學士主講龍城
書院時所纂定吾族兄新渠先生以聚珍板印
行之中經兵火聚珍本僅存一二吾俊甫叔祖
重爲釐訂付梓較聚珍板增多二卷閱今三十
餘年其書存者幾不多觀中有漆園九老會一
詩乃吾十一世祖書雲公首倡香山九老洛陽
耆英皆異姓而漆園則連枝一氣其間同懷兄
弟三人參與斯會天倫樂事超邁古今尤爲吾
宗生色錄思鄉邦文獻之湮沒而先德之失墜

也爰檢遺梓重爲印行以廣流傳

癸亥年立夏後三日莊錄